



SAKSPAPIR

Saksnr	Utval	Type	Dato
17/2018	Kommunestyret	PS	12.03.2018

Sakshandsamar	Arkiv	ArkivsakID
Åse Elin Myking	FE - 056	18/251

IKT NORDHORDLAND - OMORGANISERING OG UTVIDING

Vedlegg:

Vedtekter IKT Nordhordland - endring til § 27

Mandat for konseptfasen - Ikt Nordhordland - utvidig

Regionrådet i NH - vedtak i sak 3-2018

Rådmannen sitt framlegg til vedtak:

1. Vaksdal kommune vedtek omorganisering av IKT Nordhordland til § 27 som eit interkommunalt samarbeid med eit felles styre og dei nye vedtektene som er vedlagt saka.
2. Vaksdal kommune vedtek oppstart av konseptfase som skal utgreie spørsmålet om utviding av samarbeidet, i tråd med vedlagte prosjektmandat.

Kommunestyret - Sak 17/2018

KOM - Behandling:

Endrings-/tilleggsframlegg frå Kjartan Haugsnes, SV:

1. Vaksdal kommune vedtek omorganisering av IKT Nordhordland til § 27 som eit interkommunalt samarbeid med eit felles styre og dei nye vedtektene som er vedlagt saka med følgjande endring:

§ 2 Samarbeidet er ikkje eit eige rettssubjekt. Samarbeidet er forplikta av aktuelle tariffavtaler innanfor KS-området.

§ 8 Representantskapet vel eit styre som består av fem rådmenn og tre varamedlem i rekkefølge frå representantskapet, samt inntil to representantar for dei tilsette. Dei tilsette vel sjølv sine representantar.

§ 8 Dagleg leiar for samarbeidet har møte- og talerett i representantskapet og i styret. Vert endra til:

§ 8 Dagleg leiar er styret sin sekretær og sakshandsamar. Vedkommande har tale- og forslagsrett i styret sine møter, med mindre styret i enkeltsaker vedtek at vedkommande ikkje skal kunne møte.

§ 9 Styret har plikt til å sjå til at det vert ført lovmessig rekneskap og revisjon av verksemda, i samsvar med kommunelova.

2. Vaksdal kommune vedtek oppstart av konseptfase som skal utgreie spørsmålet om utviding av samarbeidet, i tråd med vedlagte prosjektmandat.

Framlegg frå Magne Hestad om å gå inn for rådmannen sitt framlegg no, men samtidig oppmoda selskapet om å setja i gang ein prosess for å endra vedtektene i samsvar med Kjartan Haugsnes sitt framlegg.

Røysting:

- Rådmannen sitt framlegg til vedtak vart samrøystes vedtak.
 - Kjartan Haugsnes sitt framlegg om vedtektsendring vart samrøystes vedteke.
 - Det vart så røysta over om kommunestyret skal gjera vedtak om vedtektsendringa no (Kjartan Haugsnes sitt framlegg) eller oppmoda styret om å setja i gang ein prosess for vedtektsendring (Magne Hestad sitt framlegg).
- Magne Hestad sitt framlegg fekk 15 røyster (AP, SP (÷ Jarle Audestad), MDG, FRP, H) og vart vedteke.

KOM - Vedtak:

1. Vaksdal kommune vedtek omorganisering av IKT Nordhordland til § 27 som eit interkommunalt samarbeid med eit felles styre og dei nye vedtektene som er vedlagt saka.
2. Vaksdal kommune vedtek oppstart av konseptfase som skal utgreie spørsmålet om utviding av samarbeidet, i tråd med vedlagte prosjektmandat.

Vaksdal kommune vil oppmoda styret om å setja i gong ein prosess for å endra vedtektene slik:

§ 2 Samarbeidet er ikkje eit eige rettssubjekt. Samarbeidet er forplikta av aktuelle tariffavtaler innanfor KS-området.

§ 8 Representantskapet vel eit styre som består av fem rådmenn og tre varamedlem i rekkefølge frå representantskapet, samt inntil to representantar for dei tilsette. Dei tilsette vel sjølv sine representantar.

§ 8 Dagleg leiar for samarbeidet har møte- og talerett i representantskapet og i styret. Vert endra til: § 8 Dagleg leiar er styret sin sekretær og sakshandsamar. Vedkommande har tale- og forslagsrett i styret sine møter, med mindre styret i enkeltsaker vedtek at vedkommande ikkje skal kunne møte.

§ 9 Styret har plikt til å sjå til at det vert ført lovmessig rekneskap og revisjon av verksemda, i samsvar med kommunelova.

Forslag til vedtektsendring vert og å senda dei andre kommunane i IKT-samarbeidet.

Saksopplysningar:

IKT Nordhordland er leverandør av IKT tenester til kommunane Lindås, Osterøy, Modalen, Vaksdal, Meland, Radøy, Austrheim, Fedje og Masfjorden. IKT Nordhordland vart etablert i 2011 gjennom ein samarbeidsavtale der eininga vart organisert som eit § 28 vertskommunesamarbeid. Osterøy kommune er vertskommune.

Samarbeidet har bidratt til gode og effektive IKT tenester i regionen og samarbeidande kommunar nyter gode og effektive tenester av høg kvalitet.

Krav til digitalisering og utvikling set nye krav til organisering og utvikling av IKT området. Dette medfører at kommunane må revurdere dagens organisering av IKT området. I tillegg har andre kommunar meldt si interesse for å delta i IKT samarbeidet.

På bakgrunn av dette vert det naudsynt å ta stilling til to hovudspørsmål:

- Dagens vertskommunemodell oppfyller ikkje krava til eigenregi i forvaltning av IKT tenestene på vegne av andre kommunar i eit samarbeid. Dette medfører at det er naudsynt med endring i vertskommune modellen. Ei slik endring vil vera viktig del av den formelle styringsmodellen for samarbeidet, med eller utan utviding av samarbeidet med fleire kommunar.
- Opptak av nye samarbeidande kommunar i IKT samarbeidet.

Organisering av samarbeidet på IKT området

For å møte framtidige utfordringar foreslår ein å omorganisere samarbeidet etter kommunelova § 27 Denne ordninga oppfyller lov om offentlege anskaffingar sine krav til unntak for eigenregi. Eigenregi, som legg til grunn at deltakande kommunar har styring over organiseringa i samarbeidet, er ein føresetnad for å vera i samsvar med reglane for offentlege anskaffingar.

Loven stiller krav til at det skal være vedtekter for det interkommunale styret. Minimumskrava til kva vedtektene skal ha som føresegn er:

- a. Styrets samansetning og korleis det vert utpeika
- b. Området for styrets verksemd
- c. Om deltakarkommunane skal gjera innskot til verksemda
- d. Om styret har myndigheit til å ta opp lån eller på annan måte pådra deltakarane økonomiske forpliktingar
- e. Tre ut frå eller oppløysning av samarbeidet

Det er ikkje noko i vegen for at ein fylkeskommune eller kommune kan tiltre eit eksisterande § 27 samarbeid, men dei deltakande kommunane må akseptere det gjennom å endre vedtektene.

I eit interkommunalt styre må alle deltakande kommunar og fylkeskommunar vere representert. Styret si samansetning vil bestå av Rådmennene i kvar kommune. Utan ein slik representasjon ville ein i realiteten ha overdratt vedtak- og styringsmyndigheten til dei andre deltakarane. Når mange deltar i samarbeidet, vil styret kunne verta uhensiktsmessig stort. Det kan difor vere hensiktsmessig at Styret fungerer som eit Representantskap og kan ha eit mindre organ under seg som kan fungere som eit styre. Det høgaste organ vil framleis vera Representantskapet (styret etter reglane i Kommunelova § 27).

Orientering om moglegheit for å utvide samarbeidet

IKTNH har motteke interesse frå fleire kommunar i Hordaland om å delta i IKT samarbeidet. Med bakgrunn i dei satsingane som no kjem i kommunesektoren, vil mange av kommunane ha ei stor utfordring med kompetanse, kapasitet og økonomi til å henge med på den utviklinga som skjer. I dette skjeringspunktet vil IKTNH kunne tilfredsstille behova som dei interesserte kommunane har til IKT-driftstenester og -tenester, men som dei sjølv ikkje vil ha kapasitet til å drifte og utvikle. For desse kommunane vil eit samarbeid med Nordhordland regionen på IKT vera særskilt aktuelt.

Det representerer ei stor moglegheit for kommunane og byggje verdi på dei investeringane som er gjort på IKT infrastruktur. Samtidig vil regionen markere seg som ein sentral og viktig part i vidareutviklinga for IKT i Hordaland. Dette er også støtta av Fylkesmannen som ynskjer økt grad av

samarbeid, slik at kommunar som ikkje har evne til å utvikla seg får eit IKT fagleg løft.

Organisering av IKTNH som eit §27 selskap legg til rette for ei utviding av samarbeidet om det skulle vere ønskjeleg frå kommunane i Nordhordland.

Ei konseptfase vil avklare grunnlaget for ei utviding av IKT samarbeidet med fleire kommunar. Resultatet av konseptfasen vil verta framlagt regionrådet for eit vedtak om eventuelt å gå vidare med eit planleggingsprosjekt. Eit planleggingsprosjekt vil danne grunnlaget for ei utgreiing om eit endeleg vedtak om utviding av samarbeidet. Denne utgreiinga med forslag til vedtak vert framlagt kommunestyrene i Nordhordland for endelege vedtak.

Vurdering

Ei endring frå vertskommunemodell til § 27 er naudsynt for å oppfylle gjeldande lovkrav og vil samstundes legge til rette for utviding av dagens samarbeid. Gode Ikt-tenester er ein føresentnad for auka digitalisering i kommunane. Grunnlaget som er lagt i IKTNH gjev mogelegheiter for utviding og styrking av drifta gjennom å ta inn andre kommunar i samarbeidet. Det kan gje positive gevinstar i form av meir effektiv drift og auka digitalisering i kommunane. Rådmann tilrår kommunestyret å fatte likelydande vedtak som i samarbeidskommunane.